



Broj: 15-03-16-5-29-28/21

Datum: 29.6.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav 2. tačka d) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka nabavke**

Član 1.

Poništava se postupak javne nabavke ketridža i glava štampača za ID 50, odnosno za DP personalizaciju pasoša – LOT 1, objavljen na web portalu Agencije za javne nabavke Bosne i Hercegovine, Obavještenje o nabavci broj 1110-7-1-23-3-41/21 od 17.5.2021. godine, a za koji je proveden postupak konkurentskog zahtjeva za dostavljanje ponuda.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Po izvršenim aktivnostima, Komisija za provođenje postupka javne nabavke je konstatovala je da je rok za dostavljanje ponuda bio 8.6.2021. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine pristigla jedna (1) ponuda i to ponuđača Muehlbauer d.o.o. Banjaluka.

Prema specifikaciji navedenoj u tenderskoj dokumentaciji, a nakon provedenog postupka pregleda ponude Komisija je izradila Zapisnik o pregledu i ocjeni ponuda, broj 15-03-16-5-29-22/21 od 15.6.2021. godine za LOT 1, a u kojem su detaljno obrazloženi razlozi za poništenje postupka.

Komisija je zapisnički utvrdila da ponuda ponuđača Muehlbauer d.o.o. Banjaluka nije kvalifikovana jer ponuđač nije preuzeo tendersku dokumentaciju putem portala „E-nabavke“ (www.ejn.gov.ba), u skladu sa stavom 4. člana 9. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15).

U skladu sa navedenim, te kako nema drugih ponuda u postupku, Komisija je predložila donošenje odluke o poništenju postupka nabavke ketridža i glava štampača za ID 50,



odnosno za DP personalizaciju pasoša – LOT 1, u skladu sa članom 69. stav 2. tačka d) Zakona o javnim nabavkama cijeneći da primljena ponuda nije prihvatljiva, te je na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by ANANIC / digitalno potpisano / digitally signed